

oblongior est, ad mare fere excurrens. Ad Lo civitatem fons est chrystallinus & per amoenus.

*Tres Civitates extra Ordinem.*

**E**t contra Tartarorum subitas excusiones atque impetus, si fortasse murum transire conarentur, optimis ac munitissimis à natura locis conditæ sunt. In eis militum habitant præfecti. 1 Yenking, 2 Jungning, 3 Paogan. prima viti bus atque uvis luxuriat, vinum tamen confidere aut nesciunt, aut quod verosimilius nolunt, potu ex oryza elicto contenti, qui sane præstantissimus est, adeo ut ne ab Europæis quidem ibi vinum, nisi ad Missæ celebrandum sacrificium, requiri soleat. Paogan civitas magnum habet ex sexto lapide pontem, qui fluvio Lukeu seu Sankan transitum præbet. civitas ipsa Boreali fluviis ripæ imposita est. Hic ad Notapeliotem rudera antiquissimæ civitatis videntur, quæ Hoangtii rudera dicta: nam ab Hoangtio ibi exstructam civitatem memorant, quantum per antiqua obsoletæ vetustatis memoræ vestigia consequi licet. Fan mons ad Boream Yenking est, in quo primum forte ab orbe condito commissum est bellum, siquidem ibi Xinnungus ab Hoangtio occisus est, postquam imperasset annis centum supra quadraginta. fuit hæc pugna juxta Chronologiaz Sinicæ rationes ante natum Deum annis bis mille sexcentis, nonaginta septem.

*Primum  
orbis bel-  
lum.*

*De hujus Provincia munimentis.*

**Q**atuordecim numerantur hujus Provinciæ ad celeberrimi illius muri tutelam condita munimenta: inter quæ unum; quod urbis gerit titulum ac nomen, Siven dictum, magnitudine populique frequentia nobile. Hoc cæteris fere impe-

rat. multa huic militum millia præsidio sunt. Ex hoc provideri solet reliquis. Chry stallus lucidissima, marmor ac Porphyrites effoditur è vicinis montibus. Flavis scatet muribus iisque majusculis, quorum pelles expetuntur à Sinis. nomina munimento rum sunt. 1 Siven, 2 Vanciven sinistrum, 3 Vanciven dextrum, 4 Hoaigan, 5 Caiping, 6 Lung muen, 7 Chang gan, 8 Che chi'ng, 9 Juncheu, quæ novem urbi Siven subsunt, 10 Vuning, 11 Yu, 12 Jung ping, at omnium maxima sunt, 13 Xangai, & 14 Tiencin.

Xanghai munimentum ingens jacet in Cu Insula, ubi Sinus Maris in Boream protenditur, in quem ex Tartaria Linhoang fluvius illabitur. Ibi altissimi montes atque ipsum mare facillimam efficiunt muri defensionem. post ingressum Tartarorum per Leaotung ingenti præsidio tum navium, tum militum fuit instructum, & tanquam frænum objectum Tartaris.

Tiencin munimentum in ultimo Sinu Maris Çang, ac angulo jacet, ubi totius Provinciæ flumina concurrunt, altissimaque ac fortissima mœnia longissimo tractu prætergressa mari se miscent. Emporium, cui vix aliud par. tanta loci amplitudo est, tantæ opes, tantus ædificiorum splendor ac frequentia. Ex mari, mediterraneisque Sinarum locis huc omnes confluere debent naves. unde tanta hic earum est copia, ut omnem exsuperet fidem. biduum per eas mihi iter facere contigit, quæ statiohem firmarant ad utramque ripam. quidquid Pekinum tendit, hac transmittitur, atque optima quæque ibi vendi solent, eo quod mercimonia ibi liberiora sint, nullumque eis impositum vectigal.

Ad Iuncheu est mons Lungmuen dictus, hoc est Draconis porta, quia inter duos montes fluvius ex Tartaria ingreditur murum magnum.

*Empo-  
rum no-  
biliſſi-  
mum.*